## АЖРИМ

(ижро этиш усули ва тартибини ўзгартириш тўгрисида)

Навбахор тумани

2024 йил 9 апрель

Навбахор туманлараро иктисодий суди судьяси Б.Джумаев раислигида, судья ёрдамчиси Ш.Искандаровнинг котиблигида, аризачи "Navbahor Tekstil" масъулияти чекланган жамиятининг қарздор "Бунёд Зиёд орзуси" фермер хужалигидан асосий қарз ва пеня ундириш туғрисидаги ижро ҳужжатини ижро этиш усули ва тартибини ўзгартириш туғрисидаги ундирувчининг аризасини иш материаллари билан куриб чикиб, қуйидагиларни

## аниклади:

Навбахор туманлараро иктисодий судининг 2022 йил 13 июндаги ижро варакасига асосан аризачи "Navbahor Tekstil" масъулияти чекланган жамиятининг қарздор "Бунёд Зиёд орзуси" фермер хўжалигидан 235.479.333 сўм асосий қарз, 29.861.280 сўм жарима, олдиндан тўланган 7.695.715 сўм давлат божи ва 21.600 сўм почта харажати ундирилиши белгиланган.

Ушбу ижро хужжати Мажбурий ижро бюроси Навбахор туман бўлими давлат ижрочиси томонидан қарздорга тегишли мол-мулклар аниқланмаганлиги сабабли Ўзбекистон Республикаси "Суд хужжатлари ва бошқа органлар хужжатларини ижро этиш тўғрисида"ги Қонунинг 40-моддаси 3-бандига асосан ундирувчига қайтарилган.

Шу боис ундирувчи судга ариза билан мурожаат қилиб, Навбаҳор туманлараро иқтисодий судининг 4-2103-2201/353-сонли иши бўйича чиқарилган ижро ҳужжатларининг ижро этиш усули ва тартибини ўзгартириб, "Бунёд Зиёд орзуси" фермер ҳўжалигидан 235.479.333 сўм асосий қарз, 29.861.280 сўм жарима, олдиндан тўланган 7.695.715 сўм давлат божи ва 21.600 сўм почта ҳаражати ундиривуни фермер ҳўжалиги раҳбари Халимов Бунёд Рустамовичнинг мол-мулкига қаратиб беришни сўраган.

Суд мажлисида иштирок этган аризачи вакили талабни қўллаб- қувватлаб, қонуний қарор қабул қилишни сўради.

Белгиланган тартибда хабардор қилинган қарздор вакили суд мажлисида иштирок этмади.

Суд ишдаги ҳужжатларни ўрганиб чиқиб ва ариза важларини муҳокама қилиб, қуйидагиларга кўра уни қаноатлантиришни лозим топади:

Ўзбекистон Республикаси Иқтисодий процессуал кодексининг (кейинги ўринларда ИПК деб юритилади) 342-моддасининг биринчи қисмига ижро ҳаракатларини амалга оширишга тўсқинлик қиладиган объектив ҳолатлар мавжуд бўлганда суд давлат ижрочисининг, ундирувчининг ёки ҳарздорнинг аризасига кўра суд ҳужжатининг ижросини кечиктиришга ёки уни бўлиб-бўлиб ижро этишга, ижро этиш усулини ва тартибини ўзгартиришга ҳақли.

"Суд хужжатлари ва бошқа органлари хужжатларини ижро этиш

тўғрисида"ги Ўзбекистон Республикаси Қонуннинг 32-моддасининг 1-қисмига кўра, ижро ҳаракатларини амалга оширишга тўсқинлик қиладиган объектив ҳолатлар бўлган тақдирда, суд ижрочиси ўз ташаббуси билан ёхуд тарафлардан бирининг аризасига кўра, шунингдек тарафларнинг ҳар бири мустақил тарзда ижрони кечиктириш ёки бўлиб-бўлиб ижро этиш ҳамда ижро этиш усули ва тартибини ўзгартириш тўғрисидаги ариза билан ижро ҳужжатини берган суд ёки бошқа органга мурожаат қилишга ҳақли деб белгиланган.

Ушбу Қонуннинг 48<sup>3</sup>-моддасига кўра, юридик шахснинг қарзлари бўйича, шу жумладан унинг мол-мулки ижро хужжатидаги талабларни ижро этиш учун етарли бўлмаганда, ундирув суд хужжати асосида, қонунда белгиланган шартларда ва тартибда ушбу юридик шахс мулкдорларининг, муассисларининг ва аъзоларининг (иштирокчиларининг) пул маблағларига ҳамда бошқа мол-мулкига қаратилиши мумкин.

Тегишли қарздор юридик шахсларга нисбатан ижро ҳаракатларини амалга оширишда ундирувни хусусий корхона мулкдори, муассаса мулкдори, фермер хўжалигининг раҳбари, деҳқон хўжалигининг аъзолари, ишлаб чиқариш кооперативининг аъзолари, қўшимча масъулиятли жамият иштирокчилари, тўлиқ ширкат иштирокчилари, шунингдек коммандит ширкатдаги тўлиқ шериклар пул маблағларига ва бошқа мол-мулкига қаратиш ижро ҳужжатини ижро этиш тартиби ҳамда усулини ўзгартириш орқали амалга оширилади.

Ўзбекистон Республикаси "Фермер хўжалиги тўгрисида" Қонуннинг 35-моддасига кўра, фермер хўжалиги ўз мажбуриятлари бўйича, шу жумладан тузилган контрактация шартномаларига мувофик давлат эхтиёжлари учун қишлоқ хўжалиги махсулоти назарда тутилган хажмларда етказиб берилишини таъминлаш бўйича, шунингдек моддий-техника ресурслари етказиб берилганлиги ва хизматлар кўрсатилганлиги учун ўз вақтида ҳақ тўлаш бўйича қонунларга мувофик ундирув қаратилиши мумкин бўлган ўз мол-мулки билан жавоб беради.

Фермер хўжалигининг бошлиғи фермер хўжалигининг мол-мулки етарли бўлмаган такдирда фермер хўжалигининг мажбуриятлари бўйича ўзига қарашли мол-мулк билан қонун хужжатларига мувофик субсидиар жавобгар бўлади.

Суд, аризачининг аризасида келтирилган важлари, қарздор фермер хўжалигидан ижро хужжатида кўрсатилган 235.479.333 сўм асосий қарз, 29.861.280 сўм жарима, олдиндан тўланган 7.695.715 сўм давлат божи ва 21.600 сўм почта ҳаражатини ундириш чоралари кўрилганлиги, фермер хўжалигининг мол-мулки йўқлиги давлат ижрочиси томонидан қабул қилинган қарор билан ўз тасдиғини топган деб ҳисоблайди.

Бундай ҳолатда, суд аризани қаноатлантиришни, судининг 4-2103-2201/353-сонли иши бўйича чиқарилган ижро ҳужжатларининг ижро этиш усули ва тартибини ўзгартириб, "Бунёд Зиёд орзуси" фермер ҳўжалигидан 235.479.333 сўм асосий қарз, 29.861.280 сўм жарима, олдиндан тўланган 7.695.715 сўм давлат божи ва 21.600 сўм почта ҳаражати

ундиривуни фермер хўжалиги рахбари Халимов Бунёд Рустамовичнинг молмулкига қаратиб беришни лозим топади.

Юқоридагиларга кўра, Ўзбекистон Республикаси Иктисодий процессуал кодексининг 195, 342 моддаларини кўллаб, суд

## ажрим қилди:

Ариза қаноатлантирилсин.

Қарздор "Бунёд Зиёд орзуси" фермер хўжалигидан 235.479.333 сўм асосий қарз, 29.861.280 сўм жарима, олдиндан тўланган 7.695.715 сўм давлат божи ва 21.600 сўм почта ҳаражати ундируви бўйича фермер хўжалиги рахбари мол-мулкига қаратиш деб суд ижро ҳужжатларининг ижро этиш усули ва тартиби ўзгартирилсин.

"Бунёд Зиёд орзуси" фермер хўжалигидан 235.479.333 сўм асосий қарз, 29.861.280 сўм жарима, олдиндан тўланган 7.695.715 сўм давлат божи ва 21.600 сўм почта ҳаражати ундируви бўйича қарздорлиги фермер хўжалиги рахбари Навбаҳор тумани Қўхрон маҳалла фуҳаролар йиғинида яшовчи Халимов Бунёд Рустамовичнинг мол-мулкига ҳаратилсин.

Ажримдан норози тараф қабул қилинган кундан бошлаб бир ойлик муддат ичида Навбаҳор туманлараро иқтисодий суди орқали Навоий вилоят судига апелляция шикояти (протести) бериши, қонуний кучга киргандан сўнг олти ойлик муддат ичида кассация шикояти (протести) бериши мумкин.

Раислик этувчи, судья

Б.Джумаев

